



Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiārvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Quod simul cum tempore & cum mundo cœperit spiritualis creatura &
corporalis. D. E

urn:nbn:de:hbz:466:1-38829

Psalm. ioi.

Et in Propheta: Initio tu Domine terrā fundasti: & opera manū tuarum sunt cœli. Et videtur contra ietas quædam oriri ex assertionib. istis. Nā si primo omnium creata est sapientia, omnia post ipsam facta videtur: & ita post ipsā facta videtur cœlum & terra, & ipsa facta ante cœlum & terram. Item si in principio creauit Deus cœlum & terram, nihil factum est ante cœlum & terram, nec ipsa sapientia facta est ante cœlum & terram. Cum ergo contraria videatur, nec in diuina scriptura fas sit sentire aliquid esse contrarietatis, requiramus intelligentiam veritatis.

Quid tenendum sit docet, præmissas authoritates determinando.

Videtur itaq; hoc esse tenendum, quod simul creata est spiritualis creatura, i. angelica, & corporalis: secundum q; potest accipi illud Salomonis: Qui viuit in æternum creauit omnia simul, i. spiritualem & corporalem naturam: & ita nō pri^o tempore creati sunt angeli, quā illa corporalis materia quatuor elementorum: & tamē primo omnium creata est sapientia; quia etsi non tempore, precedit tamen dignitate. Quod autē simul creata fuerit corporalis spiritualisq; creatura, Aug. super Genes. aperte ostēdit, dicens, per cœlum & terram spiritualem corporalemq; creaturam intelligi. & hæc creata sunt in principio, scilicet, temporis vel in principio, quia primo facta sunt.

Quod nihil factum est ante cœlum & terram, nec etiam tempus: cum tempore enim creata sunt, sed non ex tempore.

Ante ea n. nihil factum est: nec etiam tempus factum est ante spiritualem, scilicet angelicam natu ram, & ante corporalem, scilicet, materialē illam quatuor elementorum confusam. Illa enim cum tempore creata sunt, nec ex tempore, nec in tempore. Sicut nec tempus in tempore creatum est, quia

quia non fuit tempus antequam esset cœlū & terra. Vnde August. in lib. de Trin. dicit, quod De^o fuit Dominus antequam tempus esset, & non in tempore cœpit esse Dominus: quia fuit Dominus temporis, quando cœpit esse tempus: nec utique tempus cœpit esse in tempore, quia non erat tempus antequam inciperet tempus.

*Cap. 16 ad
principium
Lib. 5.*

Quod simul cum tempore, & cum mundo cœpit corporalis, & spiritualis creatura. E

Simul ergo cum tempore facta est corporalis, & spiritualis creatura, & simul cum mundo: nec fuit ante angelica creatura q̄ mundus: quia vt ait Aug. In Tomo 3. Nulla creatura, creata est ante secula: sed à seculis Lsb. de Genesia ad litteram s. cum quibus cœpit. Hieron. tamen super epistolam ad Titum aliud videtur sentire dicens: Sex milia annorum nostri temporis implētur annorum, & quantas prius æternitates, quanta tempora, quantas seculorum origines fuisse arbitrandum est: in quib. angeli, throni, dominationes, cætericq; ordines seruierunt Deo absq; temporum vicibus atq; principiis mensuris, & Deo iubente substituerunt? His verbis cap. 1. quidam adhærentes dixerunt, cum mundo cœpisse etēpus seculare: sed ante mundum extitisse tempus eternum sine mutabilitate, & in eo immutabiliter & intemporaliter astrinxerunt angelos Deo iubente substituisse, ei q; seruisse. Nos autem quod prius dictum est pro captu intelligere nostrę magis approbamus, saluā tamē reverentia secretorum, in quibus nihil temere asserendum est. & illud Hier. dixisse non ita sentiendo, sed aliorum opinionem referendo arbitramur.

*Cap. 19. non
longe à me-
dio.*

*In Tom. 9.
Hieron. ad*

*Vbi angeli mox creati fuerint: in empyreos illicet, quod:
statim factum repletum est angelis.* F

Iam est ostensum quando creata fuerit angelica natura, nunc autem attendendum est vbi facta fuerit. Testimoniois quarundam autoritatū euidērē monstratur angelos ante casum fuisse in celo, & in de cor-